

名醫類案



明·江瓘編著

名醫類案

人民衛生出版社影印



名 医 类 案

明·江 瓘 编

人民卫生出版社影印出版

(北京市崇文区天坛西里10号)

中国建筑工业出版社印刷厂印刷

新华书店北京发行所发行

787×1092毫米 16开本 24印张 4 插页

1957年3月第1版第1次印刷

1983年10月第1版第3次印刷

印数：24,001—42,100

统一书号：14048·0993 定价：3.75元

内容提要

「名医类案」是明代江瓘及其子应元、应宿所編集。原书成于嘉靖三十一年（公元一五五二年），后经清代名医魏之琇（玉横）重订。全书十二卷，分二百零五门。

本书搜集明以前历代名医验案、家藏秘方和编者个人医案，同时旁采经、史、子、集有关资料，辑辑内容较广，病类也较丰富，有传染病、内科杂病、外科病、五官科病、妇科病、儿科病等等。书中所载病案，大都有姓名、年龄、体质、症状、诊断、治疗等项，对个别重要病案还附有编者按语，提示本案要点，所以本书对于学习和吸取古代医家的治病经验，很有参考价值，特别是对临床医生更为有用。

本书既是明以前著名医学家临床经验的总结，也是中医基础理论和临床实践密切结合的典范，在运用中医理论探讨和处理具体病证时，发前人之未发，补前人之不足，进一步完善了中医理论和丰富了中医的治疗经验，促进了中医学术的发展，对后世影响很大。至于书中不尽符合现代要求的个别论点，读者应以正确的态度来对待。

今据「知不足斋丛书」刊本缩影发行。

重訂名醫類案叙

內經以五運六氣三部九候原生人之疾病診有一定之法刺有一定之鍼此所謂案也雷云年幼小別而不能明之而不能彰陰陽二十五人先師之秘伯高不能盡知天地動靜五行遷復鬼臾區上修不能通明通陰陽推四時據五紀臧其言于金匱書其對于玉版陰以天師之號而無所讓以伯一人而已以伯千言萬語汗漫極于六合曰無盛無害約以二言此靈素之秘也經所謂實者寫之虛者補之以二經之注脈也星之謂其言也立言立而案存後雖有良醫不能易所謂南山可移此案不可動也秦越人張仲景皇甫謐楊上善導其源而益顯張潔古劉河

間王海藏李東垣暢其流而大明末流稍分人自為師家自為學能殺人之而不能起死人黃帝告雷以十全周禮醫師之言十全為上靈樞言上十金其九中二十金其七下十金其六岐伯言上工救病于萌芽下工救其已成救其已敗彼所謂上工皆令之上也周禮十失四為下在今猶為中工中工之不失者六幸得之案不足錄上工之案則其可存者也明嘉靖貴州歙縣江秀才權嘗取歷代名醫之已驗者輯為類案子應元應宿足成之吾觀太史公之傳淳于意則意之醫案也陳壽之傳華佗則佗之醫案也李延壽之傳徐文伯則文伯之醫案也後史以醫為小道傳方術者略而不書而案之存于史

者蓋寡諸醫之良者自傳其術倖而不終至于泯沒江氏賅而存之意良善也書久殘失而字句訛謬吾友魏玉橫氏精于醫術能窮其源附以己見而論議不至混淆鮑以文氏博于考索能知其攷刊其訛字而湯齊不敢貽誤過而請叙余不知醫之術而能深見其理是書也出醫學入門之階梯也震衷玩索由病以求其源而軒岐不難美瑋遇之吾所告于世醫者有三一曰審脈自偽王叔和之脈訣行左為人迎右為氣口庸醫奉為科律二語不知其何本也蓋藏象篇云人迎陽脈氣口陰脈可言陰陽不可言左右也人迎在結喉之左右氣口即寸口也曰脈口為諸脈之總彙在手魚際之後一寸人迎有左右氣口亦有左右明

乎人迎氣口則知四經十二經以通乎十二原以貫乎三百六十五氣穴三百六十五經絡所謂鉤毛弦石溜与夫春弦夏鉤秋浮冬營者洞若觀火矣而今之醫不知脈一曰辨藥神農以楮鞭草木一日而遇七十毒以身試而著本草經辨藥之性也必深明于溫涼平毒之性而後得君臣佐使之用固也然陰中有陽中有陰石藥發瘧茅草發狂辨之不易明知之亦不易恙苟非陶和景陳藏器其人未有不誤用者而今之醫不知藥知脈矣知藥矣又蓋以一言曰慎思語云醫者意也黃帝有問黃帝即知其人之病之由以意決之也此即黃帝以伯之醫國藥也蓋其病不應脈

當思其病脉不應病當思其脉藥不
應病當思其藥三者相參思之思之其
有不合者寡矣醫之有案蓋未有出此
三者遵其道而用之今皆可以為良醫
人皆可以立業太和保合使斯人各得盡
其天年而不夭折于庸妄人之以艾氏重刊
之功豈不偉哉余固不憚曉以辨以艾氏
曰子之辨余知之而不能脫諸口也蓋盡言
之遂書之以為叙

乾隆庚寅五月朔秦亭老民杭世駿

重訂名醫類案序

新都江氏名醫類案行世近二百年
矣其為卷十有二為類二百有奇條
析病狀援据方書臚列治法斧藻犀
言蔚成大國實受命於軒岐而拓宇
乎靈素惜原本考訂疎漏間脫特多
吾友魏君玉衡鮑君以文精加讐比
細羅史氏研搜家集畢力補綴丹鉛
告疲始稱完好重付殺青客有難者
曰古之醫師天官隸焉或論病以及
國或原診以知政鴻術通乎神明而
元機出之妙悟若乞靈於方劑彼寵
于陳言抑亦末矣而奚以為夫自張
王範軌朱李輟音凡今之治醫者輒
謂古今異宜南北殊習本草非神農
之遺仲景亦偏隅之論于是徇規弛

墨福見自聖卒至於殺人而不自知其謀盤此辟之活經者則游譚而已矣譬之習兵者則野戰而已矣郭玉許允宗之言六何嘗為庸妄者授之口寔乎然則欲為良工必習諸乎明堂甲乙玉冊元珠博涉乎三部九候五運六氣所謂狐腋非一皮能溫難跖必數千而飽此一夫之獲耳其石廣璧何曰固也內經十八篇難經八十一章詞與旨遠尊如經曲不易曉了後世方書候論汗牛馬充棟宇學者縱極綜攷而無所徵驗猶不免以人為嘗試也若所比例猶墨守焉而未得其會通也余讀是編竊以窺其用心其徵事也確其達用也大其監義也備其遺辭也約事皆已徑則無

所可疑法可互求則不病于執世遠道微曲漏充塞俗師庸術支節苟且一旦延張王于一堂接朱李之末座與之上下其議焉其所津逮為何如引而伸之觸類而長之迺可以盡窺倉公之秘笈而奏奇技矣豈徒資庸醫之肘後供童蒙之掇拾而已哉按魏晉以降多散見于史集至丹溪始有專書皆其門人所日記亦小說雜記之屬宋張亨明作醫說十卷首述軒岐以發其宗次列澄治以窮其變又此編之鼻祖也至于分門別類間有未精審者是在覽者之鑒別不復為之更定舊本向有無名氏硃筆點定玩其評乙知其于是道三折肱矣

故並存于簡端云

乾隆三十五年歲次庚寅二月仁和

余集書于新儒齋

名醫類案序

人者天地之委和而六氣變於上百爲交於下自王公大人以及士庶其事不同而其不能參和不偏以使元氣無疵癘者蓋雜然而其端無窮故其致病之端亦無窮也軒岐垂經範以開人倉扁極神工以起歷至人代有徵驗多門奈僻壤每乏宗傳末學憚於博歷寄人死生屬之庸術子甚悲焉吾友篁南江民瑩氏始爲博士弟子蜚聲場屋已而因病治醫以其志在求仁軌循不器遂乃博習方書探悟元奧治身之餘推及朋舊危標異症還瘥保生篁南子偉然爲名醫焉乃取古人所爲治病驗方及其病之狀天時水土之宜用藥之宜忌處劑之審諦病瘥之期咸撮其要旨門分類摘疏源究因決嫌疑定可否凡若干卷命之曰名醫類案子得而讀之蓋喟然歎曰仁哉篁南子之用心乎夫闢觀非智謾聞非學況醫之爲道與仁同功仁體物而不遺則醫之爲術亦遍物而無所遺也故學以聚之不厭博歷乃其操之之要則子嘗聞言于篁南子矣識卑者無高標心庸者無奇術要在融悟元機專精化理以斟酌元氣爲功以察識病原爲大則是編也思過半矣故曰苟非其人道不虛行

嘉靖壬子冬十一月朔日前進士徵仕郎南京禮科給事中讓溪山人游震得撰

名醫類案序

篁南江叟故爲諸生有聲會多病去而爲醫其子南仲世其業並以醫名邑中余雅重叟質行長者又博物好古能著述吟詠以有別集不論論其所輯名醫類案云往余家居嫂氏病瘡瘡且久更數醫不治叟治之投匕而愈及余游京師季父病痢痢且不食更數醫不治南仲治之亦投匕而愈余以此異叟父子高其技屬以餘生且三十年所矣叟嘗謂余博士家通經乃不廢史乎余曰孔子不云乎吾欲載之空言不如見諸行事之深切著明也故經中有史春秋是已夫經義也史事也其義則斷其事則案斷非經何準案非史何據叟曰然確讀素難諸書得其義尊之爲經讀倉公傳得其事信之爲史斯亦醫家之斷案也非耶然傳所得倉公事耳繼倉公而後雜出於紀載者其世愈近其事愈信彼幸千百之什一夫孰非事案也獨可廢乎哉於是退而蒐輯上自諸子列傳下及稗官私譜七劑之暇兼採附說凡察脉證形觀變易方網羅纖悉類分而代列焉質之素難諸經往往不悖所聞書且成而叟卒余謂叟子南仲盍成先志乎乃公活人多矣其脉證方劑具在得併次之南仲泣然流涕曰先人棄諸孤蚤孤弱無知散失強半不能哀先世之遺其幸而存者亦千百之什一耳應宿問承提命守其餘業稍稍竊其遺意以試

於里巷頗有獲者恐久而與先人俱亡欲附入一二嫌於自
多余曰否昔營平敘畱田功不嫌伐一時事以爲後法況茲
私載藏諸名山以俟知者又何嫌焉南仲曰敬諾於是書竟
成南仲治余季父事亦載其中而嫂氏以叟存時偶忘之不
及載

萬歷丙戌秋七月武英殿大學士太子少保禮部尚書邑人
潁陽生許國撰

名醫類案序

篁南江先生吾邑隱君子也少治儒因病棄去治醫遂以岐黃鳴邑中先生嫻詩辭博極載籍凡古禁方足紀者彙爲編嘗感危疾幾殆諸醫環視謂不治先生徐語曰吾所集某卷某方與吾證合試案之稍加損益一飲有起色再飲霍然已其驗如此顧秘之帳中未出也先生物仲子少微世其業每睹遺編涕泣曰此先人手澤而未竟之志也予小子何敢讓焉乃益加搜撫若先生暨已所試奇效者亦附之總如千卷將授之剞劂而以示余客有在座者曰嘻用藥如用兵霍冠軍有言矣顧方畧何如不至學古兵法醫者意也奚喋喋佔佔噉古糟粕爲余應之曰不然子豈以世之治醫者必能挾無師之智逞獨創之巧自我作始前無古人乎夫法所以寄意而意所以運法醫之有陰陽虛實標本順逆猶兵之有步伐止齊奇正攻守也達者變通而底績昧者拘曲而罔功是昧者之過而豈法之過邪且霍冠軍之將兵孰與淮陰侯彼其有天幸未嘗困絕徒大言而謾耳淮陰侯戰勝攻取制敵如神而其所稱引猶云此自兵法諸君不察也以淮陰侯之所弗能廢者奈何藉口冠軍而廢之辟見膠柱不可以鼓瑟而遂謂鼓瑟皆可以去柱豈不諄哉無論淮陰侯卽秦越人太倉意固醫之指南嚆矢也乃其師長桑君公棗慶亦第舉

禁方相授受無他奇而太史公娓娓豔譚之至與王侯將相之業並施於後世其旨深矣語云人之所病病疾多醫之所病病道少是編也可以擴聰明可以備故實可以章往而詔來鉤元提要存乎其人而何可以精粕視也抑聞之其父析薪其子不克負荷越人以術見矧其方不傳慶無子授意無子董託之史記以傳蓋負荷若斯之難也少微工詩有父風遨遊兩都公卿間率折節倒屣不獨以醫重拮据廿餘年卒能紹前志而光大之先生有子矣嗟嗟龍門令續成父史無愧箕裘馬服子徒讀父書竟墮堂構余嘉少微庶幾龍門令而異於馬服子也故不辭爲之敘

賜進士出身嘉議大夫太常寺卿管國子監事前右春坊右諭德兼翰林院侍講南京國子祭酒同邑張一桂稚圭甫書

自序

予讀褚氏遺書有曰博涉知病多診識脉屢用達藥嘗撫卷以爲名言山居僻處博歷何由於是廣輯古今名賢治法奇驗之迹類摘門分世採人列爲書曰名醫類案是亦褚氏博歷之意也自夫三墳墜而九邱湮方書繁而經論廢或指素難以語人鮮不以爲迂者醫之術日益濫觴通經學古世不多見昔鄭公孫僑聘於晉適晉侯有疾卜云實沈臺駘爲祟史莫之知乃問於僑僑具述高辛元冥之遺參汾主封之故四時節宣之道通國驚異以僑爲博物君子太史公作史記傳淳于意備書其治病死生主名病狀診候方脉詳悉弗遺蓋將以折同異極變化求合神聖之道以立權度於萬世軒岐俞扁之書匪直爲虛誕已也今予斯編雖未敢僭擬先哲然宣明往範昭示來學既不詭於聖經復易通乎時俗指迷廣見或庶幾焉耳學者譬之由規矩以求班因穀以求羿引而伸之遡流窮源推常達變將不可勝用矣書凡十二卷爲門一百八十有奇間附說於其下云

嘉靖己酉莫秋既望撰

萬歷辛卯閏三月朔日丙寅男 應宿 百拜謹書

凡例

一是集乃披閱諸子百家之文中有寒會心者輒手錄以備遺忘積久成裘乃分門析類耳

一前修時賢之案則係之曰某人示無掩也有案無人者則曰出某書示有據也

一某人案惟先達著名者則書其字號或官如朱子注書例凡先達稱官稱爵稱字號之類案可採而聲未著者直書其名欲人易曉也

一時賢案惟變法稍出奇者採之諸庸常者不錄

一案下附說或採前修之言或附管見與賢者共議耳非敢自以爲是也

一案中方法用古方加減者但載方名其方稍隱者註云出某書間有品味簡者直載其方其藥分兩製度或有或無或詳或略皆仍諸書之舊也

一愚治驗諸案亦附諸條之末一得之愚弗敢隱秘後來者或有可採擇焉

一案以世次爲先後非有所韻頡也間有後先失次者無可考者也

一諸門後各自分板不相連屬庶後可續編入不亂其成書也

博按原刻亦有不分板者今刻悉連屬之以歸畫一

述補

一先君子以文名世而自驗諸案簡直不文非不欲文通乎時俗耳

一不肖續編間附己案一遵凡例苟意見庸劣及徒有空文而無方法脉案可示後者不書倣春秋常事不書之旨

名醫類案目錄

長子 應元校正次子 應宿述補

第一卷

中風

虛風

傷風

迴風

杏風

附漏風

中寒

中熱

傷寒

瘟疫

大頭天行

沙

舊刻作解併悞

第二卷

內傷

命門火衰

暑

溼

消渴

火熱

鬱

頭暈

醫戒

第三卷

痰

笑哭不常

厥

瘕

瞑目不食

入漸縮小

人暴長大

人化為水

卒死

消痺

痺

欬嗽

喘

瘡

第四卷

癰亂

瀉

痢

嘔吐

噎膈

欬逆

吞酸吐酸 痞滿 腫脹

第五卷

癰疽 積塊 虛損

勞瘵 汗 不汗

便濁附便數 遺精 麻木

寒中 惡寒 惡熱

熱氣病

第六卷

首風附頭暈頭痛 心脾痛 腹痛

中氣虧損心腹作痛 腹鳴

腰痛 脇痛 膝腫

鶴膝風 脚氣附腫痛 脚發

脚弱 諸氣 疝癰

不寐 多夢 消中

第七卷

諸蟲 哮喘 遍身痛

身癢 面病附疥腮 耳

鼻 瘡 眉髮自落

鬚髮不白 目 咽喉

口 舌 牙

瘡 皮膚皴裂 骨哽

蜈吞金鎖 蜈吞水蛭蜈蚣 蛇蟲獸咬

第八卷

血症 下血 溺血

痔附腸風臟毒 脫肛 腎臟風瘡

膿瘡 前陰病 痛風

癢 癰 鬼注

邪祟 顛狂心疾 怔忡

第九卷

淋閉 秘結 黃疸

癰疹 風痺 四肢病

癰風 癰腫 癰贅

瘡 腫癰 瘡瘍

翻花瘡 疔瘡

第十卷

背癰疽瘡 癰疽 腦頂疽

多骨疽 癰癰 鬚疽

附骨疽 肺癰 胃癰

腸癰 懸癰 便癰

下疳瘡 肩癰 乳癰

腹癰	囊癰	腰疽	黃疽	口瘡	啤泥
腎癰	腿癰 附腿腫	脚跟瘡	痘瘡	疹瘡	嗜臥
漏	癰撲損傷	死枕愈病	異症	湯火金瘡	食忌
尸蹇 附鍼驗	色診	微瘡 附結毒漏爛	丹毒	中毒	脾風
第十一卷 婦人症					
經水	熱入血室	崩漏	疳積	走馬牙疳	
帶下	求子	娠症 附男女辨驗			
轉胞	交腸	惡阻			
胎水胎腫	胎漏	墮胎			
胎產併病	胎熱	難產			
盤腸產	胎肖 附胎忌	胎死作喘			
產後	師尼寡婦寒熱				
第十二卷 小兒症。博按此卷異症湯火金瘡食忌丹毒中毒五條附入小兒症中非是					
胎毒	胎暈	臍風			
腎縮	咯血	熱症			
寒症	癖爲潮熱	汗 附盜汗			
吐瀉	驚搐	驚風			
慢驚	腹脹	腹痛			
嗽喘	嗽痛	赤丹			
癰疹	癰癰	癖積			
名醫類案目錄終					

名醫類案卷第一

新都筆南江瓊集

後學

仁和余集蓉案
錢塘魏之琦玉橫
仁和沈煥敦曾
歙鮑廷博以文

重校

中風

琇按南方中風絕少多屬非風類風皆風木內
病臨症之工宜詳審焉。凡風由內發皆屬氣
與火若後之虛風迴風是也

許胤宗治王太后病風不能言口噤而脉沉事急矣非大補

不可也若用有形之湯藥緩不及事乃以防風黃芪煎湯

數斛置於牀下湯氣薰蒸滿室如霧使口鼻俱受之其夕

便得語此非智者通神之法不能回也蓋人之口通乎地

鼻通乎天口以養陰鼻以養陽天主清故鼻不受有形而

受無形地主濁故口受有形而兼乎無形也

元羅謙甫治太尉忠武史公年近七十於至元戊辰十月初

侍國師於聖安寺丈室中煤炭火一爐在左側邊遂覺面

熱左頰微有汗師及左右諸人皆出因左頰踈緩傷熱被

風寒客之右頰急口喎於右脉得浮緊按之洪緩羅舉醫

學提舉忽君吉甫專科鍼灸先於左頰上灸地倉穴胃一

七壯次灸頰車穴胃二七壯後於右頰上熱手熨之議以

升麻湯加防風秦艽白芷桂枝發散風寒數服而愈琇按

中風故但升或曰世醫多治以續命等湯今用升麻湯加

散火邪自愈四味其理安在曰足陽明經胃起於鼻交頰中循鼻外入

上齒中手陽明經大亦貫於下齒中況兩頰皆屬陽明升

麻湯乃陽明經藥香白芷又行手陽明之經秦艽治口噤

防風散風邪桂枝實表而固榮衛使邪不能傷此其理也

夫病有標本經絡之別藥有氣味厚薄之殊察病之源用

藥之宜其效如桴鼓之應不明經絡所過不知藥性所主

徒執一方不惟無益而反害之者多矣學者宜深思之

張安撫年六十餘已未仲冬患風證半身不遂語言蹇澁心

神昏憤煩躁自汗表虛惡風如洒冰雪陰中也口不知

味鼻不聞香臭聞木音則驚怖小便頻多大便結燥若用

大黃之類下之平日飲食減少不敢用不然則滿悶晝夜

不得寐此症難治約三月餘凡三易醫病全不減至庚申三月

後又因風邪加之痰嗽嗑乾燥疼痛不利唾多中脘氣痞

似噎予思內經有云風寒傷形憂恐忿怒傷氣氣傷臟乃

病臟病形乃應又云人之氣以天地之疾風名之此風氣

下陷入陰中不能生發上行氣不則為病矣又云形樂志

苦病生於脉神先病也邪風加之邪入於經動無常處有

常則知邪前證互相出見治病必求其本邪氣乃服論時

月則宜升陽補脾胃瀉風木仲冬至論病則宜實表裏養

衛氣瀉肝木潤燥益元氣慎喜怒是治其本也以柴胡黃

芪各五分升麻當歸甘草炙各三分半夏黃蘗酒洗黃芩

人參陳皮芍藥各二分。名曰加減冲和湯。煎服。自汗加黃芪五分。嗽加五味子二十粒。夜不得寐。乃心事煩擾。心火內動。上乘陽分。衛氣不得交入陰分。使然也。以硃砂安神丸服之。由是晝亦得睡。此風中腑兼中臟也。

真定府臨濟寺趙僧判。於至元庚辰八月間。患中風。半身不遂。精神昏憤。面紅頰赤。面紅頰赤。陽中也。耳聾鼻塞。語言不出。診

其兩手六脉。弦數。中風此脉甚多。潔古有云。中臟者。多滯九竅。中腑者。多著四肢。今語言不出。耳聾鼻塞。精神昏憤。是中臟也。半身不遂。是中腑也。此臟腑俱受病邪。先以三化湯一

兩。內疎三兩行。散其壅滯。先使清氣上升。充實四肢。次與至寶丹加龍骨南星。安心定志。養神治之。後使各臟之氣

上升。通利九竅。五日。聲音出。言語稍利。後隨四時脈證。加減用藥。不旬。即稍能行步。日以繩絡其病脚。如履闕。或高處得人扶之。方可踰也。又刺十二經之井穴。肺少

冲穴。肝大敦穴。脾隱白穴。腎湧泉穴。包絡中冲穴。膽竅陰穴。胃厲兌穴。三焦關冲穴。小腸少澤穴。大腸商陽穴。膀胱至陰穴。以接經絡。翌日捨繩絡。能步幾百步。

大勢皆去。戒之慎言語。節飲食。一年方愈。

丹溪治一人患滯下。下多亡陰。一夕昏仆。手舒撒。目上視。洩注。汗

大泄。喉如拽鋸。脉大無倫次。此陰虛陽暴絕也。此症死者居多。蓋

得之病後酒色。急灸氣海穴。氣海脐下一寸半。以續陽氣。漸甦服

人參膏數觔而愈。作大虛治

一肥人中風口喎。手足麻木。左右俱廢。作痰治。以貝母瓜蒌。南星半夏。陳皮白朮。黃芩黃連。黃柏羌活。防風荊芥。威靈仙。薄桂。甘草。天花粉。好喫麪。加白附子。入竹瀝薑汁。更加少

酒行經。

一肥人中風。用蒼朮。南星。酒芩。酒柏。茯苓。木通。升麻。厚朴。甘草。牛膝。紅花。水煎。先吐。後藥。

一婦年六十餘。手足左癱。不言而健。有痰。以防風荊芥羌活。南星沒藥乳香。木通茯苓。厚朴桔梗。甘草麻黃。全蝎紅花。為末。酒下。未效。時春脉伏而微。又以淡鹽湯。非汁。每早一

碗吐之。至五日。仍以白朮甘草陳皮茯苓厚朴菖蒲。日進二服。吐後必用清補。二劑亦是一法。又以川芎山梔豆豉瓜蒂萊豆粉。非

汁鹽湯吐甚。快後以四君子湯服之。又以川歸酒芩紅花。木通厚朴鼠粘子蒼朮南星牛膝茯苓為末。酒糊丸。服十

日後微汗。仍以汗解。手足微動而言。作實痰治

一人中風。口眼歪斜。語言不正。口角涎流。或半身不遂。或全體如是。此因元氣虛弱。而受外邪。又兼酒色之過也。以人

參防風麻黃羌活升麻桔梗石膏黃芩荊芥天麻南星薄荷。葛根赤芍藥杏仁川歸川芎白朮細辛皂角等分。加葱

薑水煎。入竹瀝半盞。隨灸風市穴。奇俞百會督曲池。大腸合